



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 95. Quesnelistarum machinationes.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

§. XCV.

Quesnelistarum molimina.

Sæc. XVIII.
A. C. 1712.

*Dorsana.
Journal t. I.
pag. 30.*

Postquam Cardinalis Noaillius rem-
ferio Romæ agi compererat, ut ap-
probationis olim datæ calumniam præ-
verteret, suoque honori consulere, nil
aptius tutiusque fore censebat, quam
si Quesneli librum prior ipsemet dam-
naret. Hoc ergo animi sui propositum
quantocius Cardinali Tremolio mani-
festavit, qui nil eorum prætermisit,
quibus Cardinalem in sua sententia ro-
boraret. Enimvero si bene cæptis ope-
ris constantia non defuisset, Quesne-
liana hydra unico ictu in Galliis pro-
strata fuisset; cum enim tanti Viri
exemplum ceteri omnes Franciæ Præ-
sules certatim secuti fuissent, cessasset
dissensio, Ecclesiæ & Regno in hanc us-
que diem admodum funesta, nec fors
Constitutio Pontificis publicam lucem
aspexisset, ex cujus occasione tot nova
dissidiorum semina progerminarunt: Ve-
rum hanc felicitatem Ecclesiæ inviden-
bant Quesnelistæ, qui, cum post Noail-
lii revocationem sui Magistri librum
absdubio ubique damnari probe pro-
spicerent, omnes fraudum & stratage-
matum fontes exhauriebant, ut tam
feralem declinarent tempestatem; præ-
primis

Sæc. XVIII. primis igitur P. Rolletus & Lachhaul-
A. C. 1712. feus iteratis literis Noaillium Cardi-
 nalem fatigabant, referentes, rumo-
 rem de promulganda Constitutione me-
 rum esse Molinistarum commentum,
 eo fine excogitatum, ut Cardinalem
 Noaillium censuræ in Quesnelli librum
 vibrandæ metu ad ejusdem damnatio-
 nem adigerent, intima Pontificis sensa
 sibi nota esse, eum a promulganda Con-
 stitutione esse oppido alienum, ac non
 raro ambiguis minime verbis decla-
 rasse, ejusmodi Bullam nec Ecclesiæ
 proficuum, nec Gallis acceptam fore.
 Verum humanæ indolis stultitia est,
 ut quicquid fieri desideramus, facta
 esse certo credamus. Quare etiam
 Noaillius nec indubiis testimoniis, nec
 argumentis evidentibus, nec publice
 famæ fidem tribuens, rescripsit Trim-
 lio Cardinali, sibi certa relatione con-
 stare, quod conficto Constitutionis Ponti-
 ficis rumore sibi laquei pararentur, proin-
 se a proscribendo libro sua approbatione
 tuto longe alienum esse. Hoc strateg-
 matis successu audaciores effecti ambo
 hi Quesnellistæ, metum ipsi Pontifici
 incutere tentabant, per Urbem spate-
 dentes, certissimis testibus sibi explo-
 ratum, perspectumque esse, Pontificis
 Constitutionem in Galliis minime re-
 ceptum iri. Nec his contenti erant
 Ques-

Quesnelistæ, sed insuper Romæ divul- Sæc. XVIII.
 gabant, quod Ludovico Delphino jam A. C. 1712.
 fatis functo Quesnelianæ reflexiones
 caussa caderent, præcipuo eorum fau-
 tore, & Constitutionis edendæ jurato
 hoste invidia mortis sublato: Hæc ca-
 lumnia, quamprimum ad Franciæ Re-
 gis aures pervenerat, mox declaratio-
 nem ab ipso Delphino factam typis edi,
 & Parisiis divulgari iussit, eamque ad
 Tremollium Cardinalem Romam trans-
 misit, dato negotio, ut eam Pontifici
 exhiberet, & per Urbem distrahi cu-
 raret: *Jansenistæ* enim, eorumque fauto-
 res, inquebat Rex in suis literis ad
 eundem Cardinalem datis, *Romæ Pon-*
tificem captare satagunt, eidem insinuan-
 tes, me quidem eis adversari, Bur-
 gundiæ vero Ducem esse propitium,
 ac quondam eorum fautorem fore. *Ut*
ergo hanc calumniam a se amoliretur Del-
phinus, veritatis ac Religionis studio com-
pulsus hanc suæ mentis declarationem sua
manu ante obitum suum exaravit, quam
tibi, ut summo Pontifici exhibeas, trans-
mitto. Ad calcem vero hujus de-
clarationis Delphinus optime me in testem
advocavit, nulli enim melius quam mihi
compertum est, neminem unquam, præter
eum Delphinum magis sanctæ doctrinæ studio-
sum, & magis ab omni novitatum umbra
remotum fuisse, quapropter ejus morte in-

Sæc. XVIII. gentem jacturam passa est Ecclesia, qua
 A. C. 1712. ardentissimo fidei defensore orbata fuit. Hoc

Regis testimonio & Delphini declaratione Pontifex de sublesta Quesnellitarum fide convictus, in proscribendi Quesnelliani erroris proposito magis adhuc firmabatur.

§. XCVI.

Parisini Senatus edictum contra impugnatam Delphini declarationem.

Regio hoc testimonio Quesnellistæ suum strategma, dolumque non sine infamia detectum, eversumque dolentes, in nova fraude consilium, operaque quærebant, ac præprimis publicis typis libellum ediderunt, sub hoc titulo: *Reflexiones in scriptum quoddam sub titulo: Declaratio Delphini ad Papam unacum declaratione P. Quesnelli ad eandem.* Vix publicam lucem aspexerat infamis hic libellus, cum illico Guilielmus Franciscus Joly de Fleury Regis Advocatus contra eum in Senatu Regio die decima septima Junii peroraret, referens sibi venisse in manus aliquot abhinc diebus novum libellum sine facultate editum, quique spargitur in vulgus contra prohibitiones, regnique sanctiones, multis senatus decretis redintegratas, atque